

Headline	`Kelulusan khas bina rumah 17 keluarga`		
MediaTitle	Kosmo Ahad		
Date	07 Jan 2024	Language	Malay
Circulation	166,774	Readership	500,322
Section	Semasa	Page No	5
ArticleSize	246 cm <sup>2</sup>	Journalist	N/A
PR Value	RM 19,226		



## 'Kelulusan khas bina rumah 17 keluarga'

**CAMERON HIGHLANDS** – Kementerian Kemajuan Desa dan Wilayah (KKDW) melalui Jabatan Kemajuan Orang Asli (Jako) akan melakukan tindakan memendekkan tempoh bagi pemindahan semula 17 keluarga Orang Asli Sungai Ruil ke rumah mereka.

Pada 12 Oktober lalu, seramai 88 penduduk daripada 17 keluarga dipindahkan ke Pusat Pemindahan Sementara (PPS) Sungai Ruil susulan kejadian tanah runtuh yang berlaku di perkampungan itu.

Timbalan Perdana Menteri, Datuk Seri Ahmad Zahid Hamidi berkata, tempoh perolehan serta penyiapan rumah terabit dianggap terlalu panjang.

"Oleh kerana tempoh reka bentuk dan tempoh perolehan serta penyiapan itu terlalu panjang, kami akan melakukan tindakan bagi memperolehi kelulusan khas untuk memendekkan tempoh perolehan dengan kaedah-kaedah yang diluluskan Kementerian Kewangan.

"Tempoh dua tahun kami anggap terlalu panjang, biarpun

TNB (Tenaga Nasional Berhad) memberikan penyewaan untuk kuarters mereka selama dua tahun tapi saya harap kerjasama antara KKDW, Jako dan JKR (Jabatan Kerja Raya) serta lain-lain agensi dapat memendekkan tempoh bagi pemindahan semula 17 keluarga ini," katanya pada sidang akhbar di sini semalam.

Beliau turut memberi jaminan kepada penduduk di sekitar lokasi yang terjejas untuk tidak kluatir sepanjang proses membaik pulih dan membaiki cerun dijalankan.

Sementara itu, JKR pada awal November tahun lalu mendapati, kerja baik pulih cerun yang runtuh itu akan mengambil masa dua tahun membabitkan peruntukan lebih RM3 juta di mana ia dijangka siap pada November 2025.

JAKOA dalam kenyataan memaklumkan akan menanggung sepenuhnya pembayaran kadar sewa RM500 sebulan bagi seunit kuarters TNB yang menempatkan 17 keluarga Orang Asli tersebut.



**GAMBAR** fail bertarikh 12 Oktober 2023 ketika anggota bomba membantu memindahkan 17 keluarga Orang Asli di Sungai Ruil, Cameron Highlands.